




Broj: 05-50-1-3519/13  
Sarajevo, 6.3.2014. godine

**PARLAMENTARNA SKUPŠTINA BiH**

*- Zastupnički dom -*

**SARAJEVO**



**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 6.3.2014. godine, utvrdilo je Odgovor na zastupničko pitanje koje je postavila Nermina Čemalović, zastupnica u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupnici.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-3519/13  
Sarajevo, 6.3.2014. godine

**Nermine Ćemalović**, poslanik u Predstavničkom domu Parlamentarne skupštine Bosne i Hercegovine, na 58. sjednici Predstavničkog doma održanoj 5. 12. 2013. godine, postavila je sljedeće poslaničko pitanje:

**“Kada će u zakonodavnu proceduru uputiti zakone kojim bi se omogućio održivi povratak i lokalna integracija izbjeglica i interno raseljenih osoba?”**

Na postavljeno pitanje, Vijeće ministara Bosne i Hercegovine je na 85. sjednici održanoj 06.03.2014. godine, utvrdilo sljedeći

**ODGOVOR**

Aneksom VII Općeg okvirnog sporazuma za mir u Bosni i Hercegovini, odnosno Dejtonskog mirovnog sporazuma (DMS) propisano je da, sve izbjeglice i raseljenalica imaju pravo slobodno se vratiti u svoje domove. Imaju pravo na povrat imovine koje su lišeni tokom neprijateljstava od 1991. godine i na naknadu za imovinu koja im se ne može vratiti.

Svjesni problema u primjeni odredbi Općeg okvirnog sporazuma za mir u Bosni i Hercegovini (DMS) kao i činjenice da je ostalo još dosta toga da se učini kako bi svi bosanskohercegovački građani u potpunosti uživali nesmetan pristup svim pravima koja su definirana u Aneksu VII DMS, Ministarstvo za ljudska prava i izbjeglice BiH je izradilo Revidiranu strategiju Bosne i Hercegovine za provedbu Aneksa VII Dejtonskog mirovnog sporazuma.

U okviru rada na Revidiranoj strategiji, posebna radna podgrupa je radila analizu ustavnih i zakonskih rješenja, u vezi sa pitanjima prava na naknadu štete raseljenim licima, izbjeglicama i povratnicima kao i pravom na izbor drugog mjesta prebivališta, što je rezultiralo prijedlogom rješenja koja su prilikom razmatranja Revidirane strategije dorađena i dopunjena i na Savjetu ministara BiH, nakon čega je ista prosljeđena u parlamentarnu proceduru.

Revidirana Strategija je usvojena na 47. sjednici Doma naroda Parlamentarne skupštine BiH i ista je objavljena u „Službenom glasniku BiH“, broj: 78/10.

Paralelno sa rješavanjem pitanja povratka i obnove imovine i infrastrukture u svrhu pomoći raseljenim licima u BiH, usvajanjem Revidirane strategije Bosne i Hercegovine za provođenje Aneksa VII Dejtonskog mirovnog sporazuma, nadležne institucije dobile su zadaću da se pripreme novi i prilagode postojeći propisi iz predmetne oblasti.

Ministarstvo za ljudska prava i izbjeglice BiH je pripremio Prijedlog novog Zakona o izbjeglicama iz Bosne i Hercegovine, raseljenim licima i povratnicima. Ovim Prijedlogom Zakonaje definiran obim prava i način njihovog rješavanja, kao i institucije i procedure koje će omogućiti pristup pravu na obnovu i povratak, pravo na naknadu štete, kao način rješavanja stambenog pitanja, odnosno pristupa pravu na dom i pravu na izbor drugog mjesta prebivališta.

U skladu sa strateškim opredjeljenjima, a na osnovu odredbi Aneksa VII DMS i Ustava BiH, izbjeglicama iz BiH, raseljenim licima i povratnicima, biće omogućeno pravo na povratak, pravo na izbor mjesta prebivališta i pravo na kompenzaciju za imovinu koja se ne može vratiti raseljenim licima i povratnicima. U ovom smislu, u odnosu na važeći Zakon koji je uređivao predmetnu problematiku, novim Prijedlogom Zakona i ponuđenim rješenjima, izmjenjene i dopunjene i nadležnosti Ministarstva za ljudska prava i izbjeglice BiH i Komisije za izbjeglice i raseljenalica. Fond za povratak bi postao Fond za izbjeglice i raseljenalica, a sredstva za povratak ubuduće bi bila sredstva za rješavanje prava raseljenih lica i izbjeglica iz Aneksa VII DMS .

Prijedlog Zakona je upućen u zakonodavnu proceduru i Predstavnički dom Parlamentarne skupštine BiH je, na svojoj 47. sjednici održanoj 18. 4. 2013. godine, odbio Prijedlog zakona o izbjeglicama iz Bosne i Hercegovine, raseljenim licima i povratnicima.

Kao što je i navedeno u obrazloženju postavljenog poslaničkog pitanja Evropska komisija je u okviru „Paketa proširenja 2013“ i vezano za Strategiju proširenja i glavni izazovi 2013-2014 uradila Izvještaj o napretku Bosne i Hercegovine u 2013. godini. U Izvještaju navedeno je da su dosadašnji napor u provedbi Revidirane Strategije za provedbu Aneksa 7 DMS bili uglavnom usmjereni na obnovu stambenih jedinica i da se nije radilo na preporukama o stvarnju uvjeta za održivi povratak. Također, u Izvještaju je navedeno da Bosni i Hercegovini još uvijek nedostaje mehanizam koordinacije konsultacija i formuliranja politika za rješavanje praznina u zakonu, što koči održivi povratak i lokalnu integraciju.

Ministarstvo za ljudska prava i izbjeglice BiH će u narednom periodu, Prijedlog Zakona o izbjeglicama, raseljenim licima i povratnicima ponovo uputiti u zakonodavnu proceduru. Nakon usvajanja Zakona Ministarstvo će, u koordinaciji sa nadležnim organima entiteta i Brčko distrikta BiH, u roku od 90 dana od dana stupanja na snagu Zakona, podzakonskim aktima propisati način ostvarivanja prava na pomoć, standarde i procedure kojima se osigurava poštivanje općihuvjeta, puna transparentnost procesa i pristup informacijama od strane korisnika.